

廈門志

卷三 兵制
卷四 防海
卷五 船政
卷六 臺運

廈門志目錄

卷一

繪圖

廈門圖

仙碑亭圖

萬壽宮圖

朝天宮圖

風神廟圖

朝宗宮圖

玉屏書院圖

紫陽書院圖

御製碑文
御賜匾聯

卷二

分域畧

沿革

形勢

山川

寺觀

附

城寨

官署

書院

街市

墟集

津海

鋪遞

墳墓

義塚

施棺廠

育嬰堂附

書院

倉庫

廠

祠廟

坊表

墳墓

義塚

施棺廠

育嬰堂附

書院

倉庫

廠

卷三

兵制考

職官裁設 兵額裁設 五營汛防 會哨
操演 班兵 官俸 兵餉 優卹 馬匹
戰船 軍器

卷四

防海畧

歷代建置 汛口 汛地 礮臺 瞭望臺 嶼島 巖
港 海 潮 信 風 信 附 占 礮臺 澎湖 海道 南洋
海道 北洋 海道

卷五

船政畧

設艦額式 泉廠建置 脩造劍限 格船字號木
例商船 漁船 各色小船 洋船 番船

卷六

臺運畧

竄數 配運 專運

卷七

關賦畧

海關 額稅 關差 稅口 樑頭 船稅
例禁 關稅 科則 戶口 戶賦 鹽課 地稅
船稅 漁課 渡稅

卷八

番市畧

通洋例禁
東南洋
洋錢夾
附考
東洋

西洋

西南洋

卷九

藝文畧

書籍目錄
詩話

疏

咨

論

議

書

記

序

卷十

職官表

兵備道

廈防廳

石滬司

提督

五營將備

卷十一

選舉表

進士

舉人

貢生

武科

封爵

封爵

卷十二

列傳上

宦績

武功

忠義

孝友

卷十三

列傳下

義行

文學

隱逸

流寓

方技

方外

卷十四

列女傳

卷十五

風俗記

卷十六

舊事志

紀異 叢談附

廈門志目錄終

附載

周公墓誌銘 公祭周芸皋先生文

廈門志卷三

兵制攷

廈門海防首要地也。水師提標五營駐之。欲詳海防宜先詳兵制。因采考前事。謹稽會典及營中分防汛守志兵制。

唐兵制無攷。

泉州府志

宋嘉禾與兵制無攷。惟廟軍禁軍外增募水軍。置寶琳水灣法石三寨。嘉定間海寇犯圍頭。真德秀移寶琳兵成圍

頭。照應浯嶼料羅等處。

見真西山奏議

元置嘉禾千戶戍嘉禾。與新領兵額無攷。

府志

明洪武二十年江夏侯周德興城水灣置永寧衛領中左右前後五千戶所。又復城小甕爲崇武所。城廈門爲中左所。城福全爲福全所。城金門爲金門所。城高浦爲高浦所。別爲守禦千戶所。移永寧衛中左所官軍於廈門築城守禦。遂爲中左千戶所。設指揮正千戶一員。副千戶一員。指揮百戶一員。鎮撫一員。隸福建都指揮使。府志千戶正五品副從五品百戶正六品鎮撫從六品額兵一千二百四名。至萬歷時僅存六百八

十四名。營房九百八十七間。在所城內。府志

二十一年周德興於沿海要害處置巡檢司十八。復於大擔南太武山外置浯嶼寨。控泉郡南境。撥永寧福全衛所

兵二千二百四十二人。合漳州衛兵共二千八百九十八名。戌之。統以指揮一員。謂之把總。歲輪千百戶領衛所軍往聽節制。景泰三年。巡撫焦宏以孤懸海中。移廈門中。

所。備倭記云。永樂間。設烽火南日。諸其三水寨。正統初年。徒浯嶼寨於廈門。後又移晉江石湖。備倭。嘉靖

四十二年。各水寨指揮照都指揮行事。名爲欽依把總。各

衛歲輪指揮一員。領衛所軍往聽節制。舊額兵船三十二

隻。衛所貼駕軍五百八十名。天啟後。福哨冬鳥等船增至

四十八隻。府志。又萬歷府志云。福船勢力重大。便衝犁

快船。便冲探。如賊船內逼。哨冬鳥快船。船急搶上風助力。內外夾攻。

隆慶四年。增設洋劍遊兵。統以名色把總一員。兵五百三

十六名。駐中左所。又備所屬軍三百名。哨船二十隻。

郡國利病書云。由武進。或世襲高。等題請陞授。以都指揮體統行事者。謂之欽依把總。由撫院委任者。謂之名色

把總

天啟初年。設泉南遊擊一員。統轄浯嶼寨軍。浯銅遊兵。以

備紅夷尋裁。

府志。籌海圖編。稱遊擊將軍。與廈島鴻山寺崖石題名相符。

萬歷二十年。移南路參將駐鷺門。居中調度。轄銅山浯嶼

二寨。浯銅澎湖二遊。

澎湖遊兵。萬歷二十五年。因倭寇而設。

二遊營。一土營。

領兵三千名。

漳州府志。郡國利病書云。嘉靖二十八年。軍興。設參將一人。三十五年。益以水陸參將

一人。三十八年。舊分三路。為三將軍。其駐漳者。為南路。所轄自詔安至廣東界。北達祥芝。蓋鎮漳而兼控泉也。先南

灣尚未開府。每遇汛期。專駐懸壘。後南灣既設。移駐銅山。萬歷二十年。議者謂偏處一方。恐警門。居中調度焉。

按明制衛所軍士以五千六百名爲一衛。一千一百二

十人爲一所。一百一十名爲百戶所。每百戶內設總旗

二名。小旗十名。大小相維。編成隊伍。壽海圖編云。每百戶所旗軍一百一

十有二。千戶所一千一百二十。衛列五所及衛鎮撫。凡五千五百有奇。衛兵有三。曰征操

軍。府志作往操。曰屯旗軍。曰屯糧軍。征操軍入則守城。以時

訓練。謂之見操軍。出則按季踐更。謂之出海軍。屯旗軍

者。奉紅牌及樣田事例之屯軍也。屯糧軍者。屯田軍也。

洪武初。以開國靖難之人爲之。或簡戶丁。或調他省。或

配有罪籍爲軍。曰衛兵。亦宋人禁兵之意也。二十一年。

周德興制福興泉漳四郡民爲兵。於是沿海有軍衛。衛

所初定。民未習水土。率潛離城戍。二十五年。互調其軍於諸衛。嗣後八月更代哨守。皆衛所軍。至嘉靖間。五寨水軍另募充數。隆慶初。設浯銅遊兵。天啟初。又設遊擊兼統之。於是衛與寨分。衛所但撥貼水寨駕船軍耳。閩書

府志

明初。永泉二衛有歸附軍。有投充軍。有謫發軍。有改調軍。定制支糧。八斗爲差操正軍。加行糧。四斗爲出海備倭軍。六斗爲隻身紀錄軍。二斗爲老弱存卹軍。後又分三分守城。七分屯種。糧出於所種田。而以餘糧輸官。爲不支屯糧軍。太平日久。軍政不修。屯旣失額。操復缺伍。

於是抽選於軍伍以備團練謂之餘丁軍招集於市井

謂之募兵動調於各省謂之客兵

戚繼光以浙江義烏兵與倭戰有功增募

爲新營分置萬歷時以餉絀裁

調之湖廣等處謂之狼家兵又增添於

舊制之外爲一鄉防守謂之民兵

弓兵之外又招民壯分三種

亦曰

鄉兵機兵

隆慶府志

水寨本皆本地兵原無客兵名目嘉靖

間設叅將遊擊始帶領各處客兵

郡國利病書

水寨軍分三班更迭月糧之外加給行糧上班今年二

月上明年二月下下班替之中班今年八月上明年八

月下上班替之下班明年八月上後年二月下中班替

之三番輪流大約一年有半年休息休息者月辦料銀

一錢以修戰船千戶以下輪班如各軍士之法。府志

水寨汎地。岱嶺以南接於漳州。浯嶼寨轄之。備倭記云。大擔舊浯

嶼梅林圳上圍頭白沙料羅金門烏沙會厝垵南風灣爲浯嶼寨要害。嘉靖四十二年以

兵船一鯨湄洲屯劄。一鯨直至料羅屯劄。垵上一帶量

撥巡哨。寇至則全力守湄洲。而於平海衛前與南口會

哨銅山又守舊浯嶼。而於擔嶼與浯嶼會哨。萬歷間。浯

嶼寨兵分四哨。出汎時。一屯料羅。一屯圍頭。一屯崇武。

一屯永安。每汎與銅山南日兩寨及浯銅遊兵合哨。清

風傳籌。浯銅遊兵分二哨。一屯舊浯嶼。一屯擔嶼。每汎

與浯嶼寨兵合哨。惟澎湖遊兵專過澎湖防汎。春以清

明前十日出。三個月收。冬以霜降前十日出。三個月收。

收畢日。軍士放班。其看船兵撥汜地小防。

府志 漳州志 明防海以

三四五月爲大汛。九十月爲小汛。蓋倭從東北入。寇福建。清明後風多東北。且積久不變。五月則風自南來。至陽後亦有東北風。至十月則風自西北來。故設防以風爲準。

水寨戰船原出衛所。後廣募民艦。旋設舟師於五寨之外。分有十六灣。船不加多。力分勢寡。嘉靖四十三年復

水寨之舊。每寨設兵船三十二隻。用兵二千二百名。以

把總領之。屬總兵官統督。監軍道監督。

府志 按明會典 一衛五所共

船五十隻。一所十船。一船旗軍一百名。船有虧折。有司補造。損者軍自脩理。中左所應有額設兵船十隻。府志僅載水寨遊兵船額。而於衛所未詳。補以備攷。

海澄高浦主與皆非廈門地自國初設提督於海澄迄今皆水師提標汛守附載其畧

海澄舊機兵管在縣城東初設額兵五百名萬歷間存四百名分爲四哨陸三哨水一哨衛所官領之後改三

哨水兵用土著陸兵用浙兵名色把總領之

海澄遊原設南路標海澄遊兵四百五名哨船十二隻領以名色把總一員後止存兵一百五十二名哨船五隻崇禎元年以見兵爲水兵另募土兵三百二名爲陸兵勻其糧申改爲海澄遊纂漢尾城戍之二年築大泥銃城以海澄標遊兵一百名增募土兵五十名戍之造小快船五隻分配水兵巡哨內港後更造五隻合爲十隻分爲四哨水陸並行

主典萬歷間築腰城募土兵守之天啟七年又撥海澄標遊兵哨守額數隨時增減不定以上俱漳州府志

洪武二十年城高浦置高浦千戶所正副千戶百戶鎮撫各一員操海屯種旗軍舊額一千二百五十八名萬歷時存操海軍六百二名屯種軍一百九十四名營房一千二十五間在所城內泉州府志